

重刊孫真人備急千金要方

十七

判孫真人備急千金要方卷之十五上脾藏上

脾藏脉論第一

論曰脾主意脾臟者意之舍意者存憶之志也為諫議大夫並四藏之所受心有所憶謂之意意之所存謂之志因志而存變謂之思因思而遠慕謂之慮因慮而處物謂之智意者脾之藏也口脣者脾之官脾氣通於口口和則能別五穀味矣故云口為戊舌唇為巳循環中宮上出頤頤次候於脣下迴脾中榮華於舌外主肉內主味脾重二斤三兩扁廣三寸長五寸有散膏半斤主裹血温五藏神名俾俾主藏營一作秩祿號為意藏隨節應會故曰脾藏營營含意在氣為噫在液為涎脾氣虛則四肢不用五臟不安實則腹脹涇澗不利脾氣虛則夢食飲不足得其時則

夢築垣蓋屋脾氣盛則夢歌樂體重手足不舉噉氣客於脾則夢丘陵大澤壞屋風雨凡脾藏象土與胃合為腑其經足太陰與陽明為表裏其脉緩相於夏王於季夏脾者土也敦而福敦者厚也萬物衆色不同故名曰得福者廣萬物懸根位莖其葉在巔蚺蜺蠕動蚊蠅喘息皆蒙土恩德則為緩恩則為遲故令太陰緩而遲尺寸不同酸鹹苦辛大妙而生互行其時而以各行皆不羣行盡可常服土寒則温土熱則涼土有一子名之曰金懷挾抱之不離其身金乃畏火恐熱來薰遂棄其母逃於水中水為金子而藏火神閉門寒戶內外不通此謂冬時土失其子其氣衰微水為洋溢浸漬其地走擊皮膚而目浮腫歸於四肢愚醫見水直往下之虛脾空胃水遂居之肺為喘浮肝反

脾藏脉論

肺下沈沒下有荆棘恐傷其身避在一邊以為水流
則伏肝微則沈故令脉伏而沈上醫遠一作占因轉孔
穴利其漉便遂通水道甘液下流停其陰陽喘息則微汗
出正流肝著其根心氣因起陽行四肢肺氣亭亭喘息則
安腎為安聲其味為鹹倚坐毋敗汚臭如腥土得其子即
成為山金得其母名曰丘矣

四時之序逆順之變異也然脾脉獨何主脾脉者上也孤
藏以灌四傍者也其善者不可得見惡者可見惡者何如
其來如水之流者此謂太過病在外如鳥之喙者此謂不
及病在中太過則令人四肢沈重舉不及則令人九竅
壅塞不通名曰重強

脾脉來而和柔相離如雞踐地曰平長夏以胃為本脾脉
來實而盈數如雞舉足曰脾病脾脉來堅銳如雞之喙
如鳥之距如屋之漏如水之流曰脾死

真脾脉至弱而乍疎乍散一作色黃青不澤毛折乃死

長夏胃微濡弱曰平弱多胃少曰脾病但代無胃曰死濡

弱有石曰冬病石甚曰今病

脾臟營營含意愁憂不解則傷意意傷則悶亂四肢不舉
毛悴色夭死于春

足太陰氣絕則脉不營其口脣口脣者肌肉之本也脉弗
營則肌肉濡肌肉濡則人中滿人中滿則唇反唇反者肉
先死甲篤乙死木勝土也

脾死藏浮之入緩一作按之中如覆杯絮絮狀如搖者死
六月季夏建未也坤未之間土之位脾王之時其脉大

阿而緩曰平反得浮大而洪者是心之乘脾母之歸子
虛邪雖病易治反得微瀯而短者是肺之乘脾子之乘母
為實邪雖病自愈反得弦而長者是肝之乘脾木之剋土
為賊邪大逆十死不治反得沈濡而滑者是腎之乘脾水
之陵土為微邪雖病即瘥

右手關上陰絕者無脾脉也若少氣下利腹滿身重四肢
不欲動善歐刺足陽明治陽

右手關上陰實者脾實也若腸中伏伏如堅狀大便難刺
足太陰治陰

脾脉長長而弱來踈去概一作數再至曰平三至曰離經病
四至脫精五至死六至命盡足太陰脉也

脾脉急甚為癭癢微急為膈中滿食飲入而還出後沃沫

緩甚為痿厥微緩為風痿四肢不用心慧然若無疾大甚
為擊仆微大為脾疝氣裏大膿血在腸胃之外小甚為寒

熱微小為消痺滑甚為癩瘡微滑為蟲毒虻腸鳴熱瀯甚
為腸癩微瀯為內潰多下膿血

脾脉搏堅而長其色黃當病少氣其奕而散色不澤者當
病足鼯腫若水狀

黃脉之至也大而虛有積氣在腹中有厥氣名曰厥疝女
子同法得之疾使四肢汗出當風

扁鵲曰脾有病則色痿黃實則舌本強直虛則多癖善吞
注利其實若陽氣壯則夢飲食之類

脾在聲為歌在變動為噫在志為思思俱脾精氣并於脾
則飢音在長夏病變於音者取之經恐懼而不解則傷脾

精則骨瘦癯厥精時自下則病精是故五藏主藏精也
也木可傷傷則守失而陰虛虛則無氣無氣則死

病先發於脾閉塞不通身痛體重一日之胃而腹脹二日
之腎少腹腰脊痛脛痠三日之膀胱背脊筋痛小便閉十
日不已死冬人定夏晏食

病在脾日晡慧平日甚日中持下晡靜素問作日出甚五
冰云日中持者
也假令脾病東行若食雉兔肉及諸木果實得之不者當
以春時發得病以甲乙日也

凡脾病之狀必身重善飢是痿不收素問作善肌肉痿足
不收足行善癭脚下痛虛則腹滿腸鳴殄泄食不化取其
經足太陰陽明少陰血者

金方十五

脾脉沈之而濡浮之而虛善腹脹煩滿胃中有熱不嗜食
食而不化大便難四肢苦痺時不仁得之房內月使不來
來而頻併

脾病其色黃飲食不消腹苦脹滿體重節痛大便不利其
脉微緩而長此為可治宜服平胃丸瀉脾丸茱萸丸附子
湯春當刺隱白冬刺陰陵泉皆瀉之夏刺大都季夏刺公
孫秋刺商丘皆補之又當灸章門五十壯背第十一椎百
壯

邪在脾胃肌肉痛陽氣有餘陰氣不足則熱中善飢陽氣
不足陰氣有餘則寒中腸鳴腹疼痛陰陽俱有餘若俱不足
則有寒有熱皆調其三里

有所擊仆若醉飽入房汗出當風則傷脾脾傷則中氣虛
則陽不從陰故以三分候死生

脾經論

脾中風者翕翕發熱形如醉人腹中煩重皮肉瞤瞤而短氣也脾中寒

脾水者其人腹大四肢苦重津液不生但苦少氣小便難脾脹者善噦四肢急一作體重不能衣

跌陽脉浮而澀浮則胃氣強澀則小便數浮澀相搏大便則堅其脾為約脾約者其人大便堅小便利而反不渴

脾氣弱病利下白腸垢大便堅不能更衣汗出不止名曰脾氣弱或五液注下青黃赤白黑

寸口脉弦而滑弦則為痛滑則為實痛即為急實即為踊痛踊相搏即胃脇搶急

跌陽脉浮而澀浮即胃氣微澀即脾氣衰微衰相搏即呼吸不得此為脾家失度

寸口脉雙緊即為入其氣不出無表有裏心下痞堅

跌陽脉微而瀯微即無胃氣澀則傷脾寒在於膈而反下之寒積不消胃微脾傷穀氣不行食已自噫寒在胃膈上

虛下實穀氣不通為秘塞之病寸口脉緩而遲緩則為陽其氣長遲則為陰榮氣促不足

榮衛俱和剛柔相得二焦相承其氣必強跌陽脉滑而緊滑即胃氣實緊即脾氣傷得食而不消者

此脾不治也能食而腹不滿此為胃氣有餘腹滿而不能食心下如飢此為胃氣不行心氣虛也得食而滿者此為

脾家不治病人鼻下平者胃病也微赤者病發癰微黑者有熱青者有寒白者不治唇黑者胃先病微燥而渴者可

治不渴者不可治臍反出者此為脾先落一云先終

凡人病脈已解而反暮微煩者人見病者差安而強

脾胃氣尚弱不能消穀故令微煩損穀則愈

診得脾積脈浮大而長飢則減飽則見腹起與穀爭減心

下累累如桃李起見於外腹滿嘔泄腸鳴四肢重足脛腫

厥不能卧是主肌肉損色黃也

脾之積名曰痞氣在胃管覆大如盤久久不愈病四肢不

收黃瘰食飲不為肌膚以冬壬癸日得之肝病傳脾脾當

傳腎腎適以冬壬壬者不受邪脾復欲還肝肝不肯受因

留結為積故知痞氣以冬得之

脾病其色黃體青失溲直視脅反張爪甲青飲食吐逆體

重節痛四肢不舉其脈當浮大而緩今反弦急其色當黃

而反青者此是木之剋土為大逆十死不治

宮音人者主脾聲也脾聲歌其音鼓其志愁其經足太陰

厥逆陽明則榮衛不通陰陽翻轉陽氣內擊陰氣外傷傷

則寒寒則虛虛則舉體消瘦語音沈澀如破鼓之聲舌強

不轉而好咽唾口噤脣黑四肢不舉身重如山便利無度

甚者不可治依源麻黃湯主之

卷縮此是木剋土陽擊陰陰氣伏陽氣起起則實實則熱

熱則悶亂體重不能轉側語聲拖聲氣深不轉而心急此

為邪熱傷脾甚則不可治若脣雖萎黃語音若轉可治

脾病為瘧者令人寒腹中痛熱則腸中鳴鳴已汗出怕山

丸主之

若其人本來少於瞋怒而忽反常瞋喜無

變正言而鼻笑不答於人此脾病聲之候也不盈旬月

必至矣陰陽之疾經絡之源究尋其病取其所理然後行

治萬無遺一也

黃為脾脾合肉黃如鮒腹者吉脾主口脣脣是脾之餘其
人土形相比於上宮黃色大頭圓面美肩背大腹好股胫
小手足多肉上下相稱行安地舉足心平好利人不喜權
勢喜附人耐秋冬不耐春夏感而生病主足太陰數
數然脾應月月有虧盈脾小大隨人脣大小上脣厚下脣
薄無脣斷脣缺破此人脾不正揭聳唇者則脾高高則實
實則執執則季脇痛滿脣垂而大不堅者則脾下下則虛
虛則危危則寒寒則身重不能行步脣堅者則脾堅堅則
臟安安則不病脣上下好者則脾端正端正則脾胃和利
人無病脣偏舉者則脾偏痛好脹凡人分部中陷起者必
有病生胃陽明為脾之部而藏氣通於内外部亦隨而應
之沈濁為内浮清為外若表病外入所部則起起則前瀉
陽後補陰若裏病内出所部則陷陷則前治陰後治陽陽
則實熱陰則虛寒寒主外熱主内凡人死生休否則藏神
前變形于外人脾前病脣則焦枯無潤若脾前死脣則乾
青白漸縮急齒噤不開若天中等分墓色應之必死不治
看色厚薄決判賒促賒則不盈四百日内促則旬朔之間
脾病少愈而卒死何以知之曰青黑如拇指壓點見顏頰
上此必卒死脾絕十二日死何以知之口冷足腫腹執臙
脹泄利不覺其出時一曰五日面青目黃者五日死病人著
牀心痛氣短脾竭内傷百日復愈欲起徬徨因坐於地其
亡倚牀能治此者可謂神良又面黃目赤不死黃如枳實
死吉凶之色在於分部霏霏而見黑黃入脣必病不出

其脈在足上... 若年上不應三年之內禍必應也

春夏上脾脉色黃主足太陰脉也其脉本在中封前上四寸之中應在背輸與舌本中封在內踝前一寸大筋裏宛

大指端內側是也其筋起於足大指之端內側上結於內踝其直者上結於膝內輔骨上循陰股結於髀聚於陰器上腹結於臍循腹裏結於脇散於胃中其內者著於脊

其脉起於足大指之端循指內側白肉際過核骨後上內踝前廉上端內循胫骨後交出厥陰之前上循膝股內前廉入腹屬脾絡胃上膈俠咽連舌本散舌下其支者復從胃別上膈注心中合足陽明為表裏陽明之本在厲兌足

金方上十五

跌上大指間上三寸骨解中也同會于手太陰

其足太陰之別名曰公孫去本節後一寸別走陽明其別者入絡腸胃主脾生病實則胃熱熱則腹中切痛痛則陽病陽脉反大於寸口三倍病則舌強筋轉外縮牽陰股引髀痛腹脹身重食飲不下煩心心下急注脾脾病虛則胃寒寒則腹中鼓脹脹則陰病陰脉反小於寸口一倍病則泔水不能卧而煩強立股膝內痛若筋折紐之紐之者脉時綴綴動也發動甚者死不治

四季之月各餘十八日此為四季之餘日主脾胃黃肉隨病也一作內其源從太陰陽明相格節氣相移二焦寒濕

不調四時閔格而起則藏腑傷病隨時受癘陽氣外泄陰氣內伏其病相反若腑虛則陰邪所加頭重頭直皮肉

脾者藏實則陽痿所傷溫而結核起於喉頸之側布毒於皮膚分肉之中上散入髮際下貫顛顛隱隱而執不相斷離故曰黃肉隨病也

扁鵲曰灸肝脾二輸主治丹毒四時隨病當依源補瀉虛實之病皮肉隨熱則須鍊破薄貼方呪促治疾無逃矣

脾虛實第一論一首 脾四條 灸法一首

脾實熱

右手關上脈陰實者足太陰經也病苦足寒脛熱腹脹滿煩擾不得卧名曰脾實熱也

治舌本強直或夢歌樂而體重不能行方

- 前胡 茯苓 龍膽 細辛 芒消
- 杏人 肆兩 玄參 石膏 苦竹葉

右九味以水九升煮取三升分三服食後服

射干煎方主治同前

- 射干 大青 石膏 赤蜜

右四味以水五升煮取一升五合去滓下蜜煎取二升分三服

治脾熱面黃目赤季脇痛滿方

- 半夏 枳實 梔子
- 茯苓 芒消 細辛 白朮

右十一味以水九升煮取三升去滓下芒消

治脾橫方

若赤黑發如爪大煎羊脂摩之

赤小豆和雞子白傳之

四肢寒熱腰疼不得俛仰身黃腹滿食嘔舌根直交第...
一椎上及左右各一寸五分三處各七壯

脾胃俱實

右手關上脈陰陽俱實者足太陰與陽明經俱實也病苦
脾脹腹堅搶脅下痛胃氣不轉大便難時反泄利腹中痛
上衝肺肝動王藏立喘鳴多驚身熱汗不出喉痺精少名
曰脾胃俱實也

瀉熱方

大黃

麻黃

黃芩

杏仁

赤茯苓

甘草

橘皮

芒消

澤瀉

右九味以水九升煮取三升絞去滓內大黃煮兩

沸去滓下芒消分三服

大黃瀉熱湯 治脾脈厥逆大腹中熱切痛舌強腹脹身重

食不下心注脾急痛方

大黃

細切水壹升別漬一宿

甘草

各兩 澤瀉

茯苓

黃芩

細辛

芒消

各兩 橘皮

右八味以水七升煮取三升三合去滓下大黃更

煎兩沸去滓下芒消分三服

治脾熱脅痛熱滿不歇目赤不止口脣乾裂方

石膏

壹斤碎

生地黃

汁

赤蜜

各壹升

淡竹葉

右四味先以水一斗二升煮竹葉取七升去滓澄清

石膏取一升五合去滓下地黃汁兩沸次下蜜煎

升細細服之

脾熱偏一邊痛曾滿脇偏脹方

茯苓

橘皮

澤瀉

芍藥

白朮

人參

桂心

石膏

半夏

生薑

桑根白皮

各壹升

右十一味以水一斗二升煮取三升去滓分三服

若須利下加芒消二兩佳

脾虛冷

右手關上脈陰虛者足太陰經也病苦泄注腹滿氣逆

亂嘔吐黃瘴心煩不得卧腸鳴各在脾虛冷也

治虛脹脅痛肩息有時發作惡補之方

五加根皮

丹參

橘皮

地骨皮

乾薑

白朮

猪根根皮

乾地黄

金匱要略卷之十一

芎藭

附子

桂心

桔梗

大棗

甘草

右十四味以酒四斗漬五七日服七八合加至一

升日再服

檳榔散治脾寒飲食不消勞倦氣脹噫滿憂恚不樂方

檳榔

人參

茯苓

陳麩

厚朴

麥蘖

吳茱萸

白朮

右八味治下篩食後酒服二方寸匕日再一方用橘皮

一兩半

溫脾圓治久病虛羸脾氣弱食不消喜噫方

黃蘗

大麥蘖

吳茱萸

桂心

乾薑

細辛

附子

當歸

藥方

大黃

炮

黃連各壹兩

右十一味為末，酒和服，每服七丸，酒服，腹滿者服之。

主脾氣弱，不下食，餌此以當食方。

大豆黃貳升

大麻子叁升，煮令香

右二味治下，篩飲和服，一合，日四五任情多少。

胃俱虛

若手關上脈陰陽俱虛者，足太陰與陽明經俱虛也。病者胃中如空，狀少氣，不足以息，因逆寒，泄注，案不已，名曰胃俱虛也。

治腹脹善噫，食則欲嘔，吐泄，下口乾，四肢重，好怒，不聞人聲，忘誤，喉痺，補之方。

黃連壹兩

禹餘糧貳兩

白朮

乾薑各壹兩

大麻子伍兩

桑白皮捌兩

大棗貳拾枚

右七味，以水一斗二升，煮取三升，分四服。

治脾胃俱虛，苦飢寒痛方。

人參

當歸

桂心

茯苓

桔梗

芎藭各叁兩

厚朴

甘草

榆皮

吳茱萸貳兩

白朮伍兩

麥冬壹升

右十一味，以水一斗二升，煮取三升，分三服。

治脾胃俱虛，冷方。

白朮

厚朴

人參

吳茱萸

茯苓

麥冬

薤白

芍藥

右八味，以水一斗，煮取五升，分五服，日三，方加七。

凡身重不得食食無味心下虛滿時時欲下喜卧

者皆針胃管太倉服建中湯及服此方建中湯方見第十九卷中

杏人 伍拾枚 丹參 叁兩 苦參 葶藶

各貳兩 芎藭 桂心 各壹兩

右七味為末蜜丸如梧子酒服五九日三以知為度

崔文行 **平胃圓** 治丈夫小兒食實不消胃氣不調或温壯

熱結大小便不利者有病冷者服露宿丸熱藥後當進此

丸調胃方

大黃 貳兩 小草 甘草 芍藥

芎藭 葶藶 各壹兩 杏人 伍拾枚

右七味為末蜜丸飲服如梧子五九日三一歲小兒二

丸漸加之 千金翼有芎藭蒲當歸乾薑茯苓
麥門冬細辛為十三味無杏人

金方十一

十三

論曰凡病宿食在上管當吐之脉數而滑者實也有宿食
不消下之愈胃中有癖食冷物即痛不能食有熱物即欲
食大腹有宿食寒慄發熱如瘧狀宿食在小腹者當暴發
熱明日復止寸脉緊即頭痛風寒或腹中宿食不化寸口
脉緊者如轉索左右無常脾胃中有宿食不消寸口脉浮
而大按之反澀尺中微而澀故知宿食

大麴藥丸 主消穀斷下温和又寒冷者長服不患霍亂方

大麥蘖 麴 各壹升 附子 乾薑 當歸

人參 各叁兩 赤石脂 壹兩 桔梗 女萎 各貳兩

吳茱萸 皂莢 各伍兩 蜀椒 貳兩 烏梅 伍拾枚

右十味為末蜜酢中半漬梅一宿蒸三斗米下去核

和藥蜜和擣二千杵服十九日二下甚者加

擣如

骨阿膠艾各三兩

消食斷下圓 寒冷者常服之方

麴

大麥蘖 各壹升

吳茱萸 肆兩

右三味為末蜜和服十五丸如梧子大日三

乾薑散 治不能食心意真然忘食方

乾薑

法麴

蜀椒

豉

大麥蘖 各壹升

右五味合治下篩食後服三方寸匕日三以能食為度

消食圓 治數年不能食方

小麥蘖

麴

各壹升

乾薑

烏梅 各肆兩

右四味為末蜜和服十五丸日再加至四十九丸寒在胃

中及反胃翻心者皆瘥

麴藥散 主消穀能食除腸中水氣臘脹方

金方二十五

十四

法麴

麥蘖

杏仁

各伍兩

右三味治下篩食後酒服一合日三

脾勞第三 論一首 方二首

論曰凡脾勞病者補肺氣以益之肺旺則感於脾是以聖人春夏養陽氣秋冬養陰氣以順其根本矣肝心為陽脾肺腎為陰逆其根則伐其本陰陽四時者萬物之終始也
承氣湯 治脾勞實四肢不用五藏乖反脹滿肩息氣急不承氣泄實執方

半夏

宿薑 各捌兩

茯苓

白朮

杏仁 各叁

竹葉 物壹

橘皮

芍藥 各肆兩

大棗 貳拾枚

右九味以水一斗煮取三升分四服

治脾虛寒勞損氣脹噫滿食不下通噎方

黃芩升

狗薑汁一升 吳茱萸黃芩升 白朮壹斤

一味搗柴萸白朮等二味細細下篩為散內薑汁膏煎取六升溫清酒一升進方寸匕日再

肉極第四 論一首 方六首

凡肉極者主脾也脾應肉肉與脾合若脾病則肉變
又曰至陰遇病為肌痺肌痺不已復感於邪內舍於脾
淫淫如鼠走其入身上津液脫腠理開汗大泄鼻端
是其相也凡風氣藏於皮膚肉色則敗以季夏戊巳
傷於風為脾風脾風之狀多汗陰動傷寒寒則虛虛則
重怠惰四肢不欲舉不嗜飲食食則效效則右脅下痛
陰引肩背不可以動轉名曰厲風裏虛外實若陽動傷
熱則實實則人身上如鼠走唇口壞皮膚色變身體津

金方卷之二十一 十一

腠理開汗大泄名曰惡風而須決其綱紀知其終始
動靜肉之虛實實則瀉之虛則補之能治其病者風
肉皮毛肌膚筋脈之間即須決之若入六腑五藏則
死矣

鵠曰肉絕不治五日死何以知之皮膚不通外不得泄
內應足太陰太陰氣絕則脈不營其肌肉骨反者氣盡
肉先死使良醫妙藥終不治也

肉熱極肌痺淫淫如鼠走身上津液脫腠理開汗大泄
脾風風氣藏於皮膚肉色敗鼻見黃色麻黃止汗通肉

脾湯方

麻黃

防己一作防風枳實

細辛

白朮各兩

薑

附子各兩甘草

桂心各兩

石膏各兩

吐味吐咀以水九升煮麻黃去沫下諸藥煮取三升
三服

續命湯治肉極虛熱肌痺淫淫如鼠走身上津液竭
或痺不仁四肢急痛方

麻黃

生薑

各參三兩

當歸

石膏

各貳兩

芍藥

桂心

甘草

黃芩

防風

芍藥

各壹兩

杏仁

肆拾枚

右十一味吐咀以水九升先煮麻黃除沫下諸藥煮取
三升去滓分四服日再

治肉極熱則身體津液脫膝理開汗大泄厲風氣
急脚弱方見第七卷中

治肉熱極則體上如鼠走或如風痺骨口壞皮膚
變上諸風大病方

白南

參拾銖

薯蕷

芍藥

一本作甘草

天雄

桃花

一作桃人

甘菊花

各壹兩

黃耆

拾捌銖

山茱萸

壹兩拾捌銖

真朱

拾捌銖

石膏

貳兩

升麻

萎蕤

各壹兩

右十二味治下篩酒服方寸匕日再食後服
治肉極虛寒為脾風陰動傷寒體重怠惰四肢
舉關節疼痛不嗜飲食虛極所致方

黃耆

桂心

巴戟天

石斛

澤瀉

茯苓

柏子仁

乾薑

蜀椒

各參三兩

防風

獨活

人參

天雄

芍藥

附子

頭

茵芋

括蕤根

山茱萸

半夏

白朮

黃芩

各壹兩

右二十二味咬咀絹袋貯以清酒二斗漬之秋及冬皆
春夏三日初服三合漸漸加微痺為度日再

治肉極寒卒中風口噤不能言四肢緩縱偏攣急痛注
五藏恍惚喜怒無常手足不隨方

獨活

茵芋

黃芩

甘草

防風

芍藥

芍藥

赤黃

葛根

人參

烏頭

右十一味咬咀以水一斗竹瀝四升合煮取四升分四
服日一夜一

肉虛實第五

論一首

方一首

論曰夫肉虛者坐不安席身危變動肉實者坐安不動
氣肉虛實之應主於脾若其脾臟有病從肉生熱則應

寒則應疢

五加皮治肉虛坐不安席好動主脾病寒氣所傷方

五加皮

枸杞皮

乾地黃

丹參

石膏

杜仲

乾薑

附子

右八味咬咀以清酒一斗漬三宿一服七合日再

治肉實坐安席不能動作喘氣主脾病熱氣所加

關格除喘方

半夏

宿薑

杏仁

細辛

橘皮

麻黃

石膏

射干

右八味咬咀以水九升煮取三升分三服須利下加

消二兩

秘澀第六論一首方四十一首

人因時疾瘥後得秘塞不通遂致天命大不可測
以備述雖非死病凡人不明藥餌者拱手待斃深可
嗚呼復諸方以虞君平耳凡大便不通皆用滑膩之物
冷水並通也凡候面黃者即知大便難

跌陽脈浮而澀浮則胃氣強澀則小便數浮而
相搏大便則堅其脾為約脾約者其人大便堅小便利而
不渴也

麻子人 貳升

枳實

芍藥 各捌兩

杏仁 壹升

大黃

厚朴 各壹斤

右六味為末蜜丸如梧子飲服五九日二漸加至十丸
附後外臺無木口人

此關扣大便不通方

芒消

烏梅

桑白皮 各伍斤 芍藥

杏仁 各肆兩 麻子 參兩

大黃 捌兩

右七味以水七升煮取三升分三服一本無烏梅
加枳實乾地黃各二兩

治大便秘塞不通神方

猪羊膽無在以筒灌之合許令深入即出矣出
須臾更灌一方加冬葵子汁和之亦妙又椒豉湯
升和猪膏二合灌之佳臨時效可得即用之又煎
成煎如人指大深內敷道佳又無火濃酒半升
錢心鍊成如上法

三黃湯 治三焦熱結不得大便方

大黃 參兩

黃芩 貳兩

梔子 貳拾枚 甘草 壹斤

右四味以咀以水五升煮取一升八合分二服若大秘加芒消二兩

准圍五柔圓治秘澀及虛損不足飲食不生肌膚二焦不調和榮衛利腑臟補三焦方

大黃黃芩 前胡黃芩 半夏 茯苓

芍藥 茯苓 當歸 葶藶 細辛各二兩

右九味為末蜜和合搗萬杵為丸梧子大食後服十五

丸後稍增之日再崔氏云今人喜飲消穀益氣有憂者加松實半兩菴藟半兩服之緩中不

加意便服之又

大五柔圓主腸氣不調大便難通和榮衛利九竅消穀益

大黃 芍藥 枳實 茯苓 葶藶

甘草 黃芩 牛膝各一兩 桃人壹兩 杏仁肆拾

五方二十五

十九

右十味為末蜜和丸如梧子一服三九日三加至二十

丸酒下

五臟湯主大便不通六七日腹中有燥屎寒執煩迫短氣

汗出脹滿方

生葛根 猪膏各一兩 大黃壹兩

右三味以咀以水七升煮取五升去滓內膏煎取二升

澄清強人頓服羸人再服亦治大小便不通

治大便不通方

大戟壹斤 大豆伍升 商陸 牛膝各壹斤

右四味以咀以水五升煮取二升以大豆五升煎取汁

盡至豆乾初服三枚以通為度

蜜和胡鷲菜內大孔中即通

水四升蜜一升合煮熟冷灌下部中一食頃即通
鹽羊合蜜二合合煎如飴出之著冷水中九如攪攪
形如指許大深內下部中立通

治六便難方

單用豉清醬清羊酪土瓜根汁灌之立通

以醬清漬烏梅灌下部中

桑根白皮 榆根白皮 各壹把

右二味咬咀以水三升煮取一升半分三服

桃皮三升水五升煮取一升頓服

水一升煮羊蹄根一把取半升頓服

常煮麻子取汁飲 常服蜜煎五合

猪脂和陳葵子末為丸如梧子每服十九通即止

水服桃花方寸匕無桃花白皮亦得

常服車前子及葉並良 搗葵根汁生服

好膠 葱白壹把

右二味以水四升煮取一升半頓服之即下

葵子 牛酥 各壹升猪脂用亦得

右二味以水四升煮葵子取一升內酥煮一沸待冷分
作二服

葵子汁和乳汁等分服之立出

醬清 麻油 葱白

右二味合煮令黑去滓待冷頓服之一方不用醬清

治脹滿不通方

芒消 芍藥 各壹斤 黃芩 各壹斤 杏仁 大蒂

右五味為末蜜丸如梧子飲服十五丸加至二十九丸
通利為度日三

又方 通草

朴消 各肆兩

郁李人

黃芩

瞿麥 各叁兩

車前子 伍合 方陸

右六味咬咀以水八升煮取二升半分三服一方用絹
袋盛置頓服二升

又方 獨頭蒜燒熟去皮綿裹內下部中氣立通又削薑二

鹽導之及乾薑鹽杏仁搗丸導之並佳

治脹滿閉不下方

吳茱萸臈乾薑

大黃

當歸

桂心

芍藥

甘草

芎藭各兩

人參

細辛各兩

桃白皮青 真朱 半兩

雄黃 拾捌銖

右十一味

廿一

咬咀以水一斗煮取三升去滓內雄黃真朱

末酒一升微火煮三沸服一升得下即止

走馬湯

主一切卒中惡心痛腹脹大便不通

巴豆丸

主寒癖宿食久飲飽不消大秘不通方

巴豆人一升 清酒五升 煮三日二夕碎大熟入酒

火煎令可丸如胡豆欲取吐下者服二丸

練中圓

主宿食不消大便難方 用後各承氣丸

大黃 捌兩

葶藶

杏仁

芒消 各肆兩

右四味為末蜜丸如梧子食後服七丸日三後稍加

灸法

大便難灸第七椎兩傍各一寸七壯

又灸承筋一穴各

三壯在臑中央陷內

大便不通灸俠玉泉相去各二寸名曰腸道隨年壯一

又灸大敦四壯在足大指聚毛中
大便閉塞氣結心堅滿灸石門百壯
後閉不通灸足大都隨年壯

治老人小兒大便失禁灸兩脚大指去甲一寸二壯 又
灸大指奇間各三壯

治大小便不通方

葵子 末壹升 青竹葉 壹把

右二味以水二升煮五沸頓服

葵子 壹升 榆皮 切壹升

右二味以水五升煮取二升分二服

葵子 一升以水二升煮取一升去滓內猪脂一升空

心分二服

甌帶煮取汁和蒲黃方寸匕日二服

猪脂一斤以水二升煮三沸飲汗立通

治大小便不利方

葵子 貳升 消石 貳兩

右二味以水五升煮取二升分二服

治小兒大小便不通方

擣白花胡葵子末煮汁服之

末雞屎白服一錢匕

灸法

大小便不利欲作腹痛灸榮衛四穴自壯穴在背脊四面
各一寸

大小便不通

然則時大小便難腰痛連脊灸關元百壯穴在小腹
下二寸橫三間寸灸之

大小便不通灸臍下一寸三壯 又灸橫文百壯

大小便不利灸八節^遺百壯穴在腰目下二寸俠脊相去

四寸兩邊各四穴計八穴故名八節

小兒大小便不通灸口兩吻各一壯

小便不利大便數注灸脊骨端五十壯

小便不利大便注泄灸天樞百壯穴在俠臍相去二寸

臍之舍不可針大法在臍傍一寸八臍相去可二寸也

重刊孫真人備急千金要方卷之十五上

重刊孫真人備急千金要方卷之十五下 別藏下

熱痢第七論

論二首 首二十六首

脈證一十四條 灸法十首

論曰余立身已來二遭熱痢一經冷痢皆日夜百餘行乃至移牀就廁其困篤如此但率意自治者尋手皆愈乃知此疾天下易治但中性之徒率情驕倨良藥苦口不能克己早餌朝遇暮過望其自瘥疾勢日增胃氣漸弱心力俱微食飲與藥皆不能進既不特愈便稱痢病難治斯皆自誤也學者須深達斯旨然此病隨宜服一物皆得瘥惟須力意苦已服食以瘥為限則無不愈也又大須慎口味重者後百日次者一月日所以常哀驕恣者不能自慎與言於此以為至慨矣古今痢方千萬首不可具載此中但撮其效者七八而已雖然弘之在人也何則陟釐丸烏梅丸松皮散等暴痢服之何有不瘥其溫脾湯建脾丸下方出翻又下得之焉能不愈六凡痢有四種謂冷熱疳蠱冷則白熱則赤疳則赤白相雜無復節度多睡眼澀蠱則純痢痰血熱則多益黃連去其乾薑必則加以熱藥疳則以藥吹灌下部蠱毒則以蠱法治之藥既主對相當痢者復自勉勵服餌焉有不愈者也

凡服止痢藥初服皆劇惡人不解即止其藥不服此特不可但使藥與病源的相主對雖劇但服不過再二服漸漸自知惟非其主對者本勿服也

凡痢病通忌生冷酢滑芻雞魚油乳酪酥乾脯醬粉鹹所食諸食皆須大熟爛為佳亦不得傷飽此將息之大經也若將息失所聖人不救也

下利脈滑而數有宿食當下之

下利脈遲而滑者實也利為未止急下之

下利脈反滑當有所去下乃愈

下利不欲食者有宿食當下之

下利而腹痛滿為寒實當下之○下利腹中堅者當下之

下利而譏語者腹內有燥屎宜下之

下利二部皆平一作按其心下堅者急下之

下利已瘥至其年月日時復發者此為下不盡更下之愈

風寒下者不可下下之後心下堅痛脈遲一作此為寒但

當溫之脈沈緊下之亦然脈大浮弦下之當已下利脈浮

大此為虛以強下之故也設脈浮革者因爾腸鳴當溫之

下利脈遲緊為痛未欲止當溫之得冷者滿而便腸垢

全一五十一

下利身軀疼痛急救裏諸溫之屬可與理中四逆附子湯

熱藥輩

○下利大孔痛者當溫暖之

下利腹脹滿身體疼痛者先溫其裏乃攻其表

下利清穀不可攻其表汗出必脹滿

下利氣者當利其小便

下利脈反浮數尺中自濡其人必清膿血

下利脈數而渴者今自愈設不瘥必清膿血有熱故也

下利脈沈弦者下重其脈大者為未止脈微弱數者為欲

自止雖發熱不死

下利脈沈而遲其人面少赤身有微熱下利清谷必難言

汗出而解病人必微厥所以然者面戴陽下虛故也

下利有微熱而渴脈弱者今自愈

下利脈數有微熱汗出今自愈設脈暴為未解

下利脈反弦發熱身汗者自愈○下利脈大浮弦下當已

下利舌黃燥而不渴胃中實下不止者死

下利後脈絕手足厥冷時脈還手足溫者生不還不溫者死

下利手足厥冷無脈者灸之不溫若脈不還反微喘者死

少陰負跌陽者為順

凡六腑氣絕於外者手足寒上氣脚縮五藏氣絕於內者

下不自禁下甚者手足不仁也細尋取之萬不失一下病

體略例如此耳

素問曰春傷於風夏為膿血凡下多滯下也夏傷於風秋

必洞泄秋多下水也患是冷也夫積冷積熱及水穀實而

下者以大黃湯下之強人勿過兩劑皆消息五六日更進

一劑其補瀉湯不效者二兩日可進一劑

赤瘧圓治白病下痢及傷寒身熱頭痛目赤四肢煩疼不

消腹中急痛溫食則吐下熱下冷狀如溫瘧或小便不利

氣滿嘔逆下痢不止方

水中陟釐 伍兩 紫石英 叁兩 漢中木防己 陸兩

厚朴 壹兩 隴西當歸 肆兩 黃連 貳兩

上好豉 叁升 三歲醇苦酒 伍升

右八味皆取真新者以苦酒一升漬防己極令潤出之

留苦酒置以利刀切防己厚令一分使厚薄悉等以板

瓦覆者炭火上以厚紙藉瓦上布成切防己著紙上訖

從頭依次反周而復始令色槁燥復漬向餘苦酒中更

出著丸上焚之如此盡苦酒止勿令火猛徐徐焚令極燥各搗下篩畢都合搗千杵以餘三升苦酒漬跋一宿明日以瓦盆盛之以一盆覆之蒸五升土下須土氣流通熟出之於盆中研跋以新布絞取濃汁如棗膏法以和藥搗二千杵頓為丸皆如水中雞頭子大分著數棗中懸令陰乾取燥乃更盛著吸以蠟密封其際勿令見風塵此藥以三丸為一劑平日以井花水服一劑晝服一劑暮服一劑皆以水服之初服寧少食當舖食水殮欲服藥若食飲消腹中調和者日可一服若已瘥者二三日可一服消息以意若病重藥力未行者但益服之日可四五劑或時下不止者當復更增令腹中有藥力飲食消是其效也新服藥未安調當水殮助藥力心中

金匱要略

卷之

了然然後可作羹臠但當冷食之耳若有時不喜冷食者正是藥力盡耳復益服藥至一宿許則復欲進冷也若欲不復藥者但稍溫食藥力自盡矣服藥不必強多飲水也自隨體調耳又下虛服之如法禁熱食生魚猪肉蒜生菜酒緣酒發藥力令病者煩熱也又禁辛物及諸肥膩難消物皆勿食也若有風病加防風一兩入虛羸可加石斛一兩若宿有下痢腸胃損弱者可加太一餘糧二兩半取石中黃軟香者若婦人產後疾加石硫黃二兩小便黃赤不利加蒲黃一兩依方消息之無不得效也

胡洽云舊有伍石赤石脂白石英鍾乳
礬石并禹餘糧各四兩常以二月合之

痢執諸治不瘥方

烏梅壹升

黃連壹斤 金色者

右二味為末蜜和服如梧子二十九日二夜一神妙
治積久二三十年常下痢神方

赤松皮去上蒼皮切一斗為散麩粥和一升服之日
三服瘥不過服一斗永瘥三十年痢服之百日瘥

苦參 治熱毒痢方

苦參 獨活 阿膠 藍青
黃連 鬼臼 一作鬼箭羽 黃蘗 甘草

右九味等分為末以蜜烱膠和併手丸之如梧子候乾
飲服十九日二後稍加卒下注痢者大良

治諸熱毒下黃汁赤如爛血滯如魚腦腹痛壯熱方

黃蘗 升麻 石榴皮 各陸
艾葉 各三分 白頭翁 寄生 當歸

金方下十五

牡蠣 犀角 甘草 各壹兩 黃連 貳兩

右十二味以水六升煮取三升分三服

龍骨圓 治下血痢腹痛方

龍骨 龍膽 羚羊角 當歸
附子 乾薑 黃連 各叁 赤石脂

礬石 各壹兩 犀角 甘草 熟艾 各拾

右十二味為末蜜和丸如小豆先食服十五丸日三加
至二十九

又方 牛角鯁 當歸 龍骨 乾薑 熟艾 各叁

附子 黃蘗 赤石脂 芎藭 阿膠
厚朴 甘草 橘皮 石榴皮 芍藥 各壹

大棗 貳拾 黃連 伍合 升麻 壹兩 蜀椒 壹兩

右十九味以水一斗二升煮取四升去滓內生

治血痢方

蒲黃各合 乾地黄 桑耳 甘草 芒消

茯苓 人參 柏葉 阿膠 艾葉

生薑各兩 禹餘糧 黃連各壹 赤石脂伍分

右十四味以水一斗煮取四升分五服温神效

治下雜血方

乾藍 犀角 地榆各壹兩 蜜貳合

右四味以水五升煮取一升半去滓下蜜煎取五

合分三服此治熱毒盡妙

治熱毒下黑血五內絞切痛日夜百行氣絕欲死方

黃連壹升 龍骨 白朮各貳兩 阿膠

乾薑 當歸 赤石脂各叁兩 附子壹兩

右八味以水一斗煮取五升分五服余以正觀三

年七月十二日忽得此熱毒痢至十五日命將欲絕

此方藥入口即定

治下血日夜七八十行方

黃連 黃蘗各半兩

右二味以咀淳酢三升煮取一升半分再服

白頭翁湯治赤滯下血連月不瘥方

白頭翁 厚朴 阿膠 黃連

秦皮 附子 黃蘗 茯苓

芍藥各貳兩 乾薑 當歸 赤石脂

甘草

龍骨 各參三兩

大棗 參拾枚

粳米 壹升

右十六味㕮咀以水一斗二升先煮米令熟出米內藥
煮取三升分四服

治下赤連年方

地榆

鼠尾草 各壹兩

右二味㕮咀以水二升煮取一升分二服如不止取屋
塵水漬去滓一升分二服 古今錄驗方云服
屋塵汁壹小盃

又方

秦皮 如無用櫛
皮代之

鼠尾草

薔薇根

右三味等分㕮咀以水淹煎去滓銅器重釜煎成丸如
梧子大服五六九日三稍增瘥止亦可濃汁服半升三
治大熱毒純血痢不可瘥者方

黃連六兩㕮咀以水七升煮取二升半夜露著星月

金方十五丁

七

下日起空腹頓服之臥將息即止不瘥加黃芩二兩
更作服之仍不瘥者以疳痢法治之

治熱痢水穀方

黃連

阿膠 各貳兩

黃蘗 壹兩

烏梅 肆拾枚

梔子 叁拾枚

右五味㕮咀以水五升煮取二升半分三服亦治膿血
治下痢絞痛腸滑不可瘥方

黃連

陸兩

阿膠

鼠尾草

當歸

乾薑 各叁兩

右五味㕮咀若大冷白多以清酒一斗煮取三升分三
服若熱及不痛者去乾薑當歸以水煮之

代參湯

治困下空竭欲死滯下膿血日數十行羸篤垂死

老少並宜服方

茯苓

黃蘗

黃連

龍骨

人參

乾薑

黃芩

桂心

芍藥

當歸

梔子人

甘草各半兩

赤石脂兩

大棗

拾貳枚

右十四味以水五升煮取二升分再服不瘥滿三劑此方主風虛冷痢最佳

治冷熱不調或水或膿或五色血者方

酢石榴五枚合殼子搗絞取二升汁服五合瘥止

溫脾湯

治下久赤白連年不止及霍亂脾胃冷實不消方

大黃肆兩

甘草

乾薑各貳兩

附子壹枚

大者

右五味以水八升煮取一升半分三服臨熟下大黃與後溫脾湯小異須大轉瀉者當用此方神效

黃連湯

治赤白痢方

黃連

黃蘗

乾薑

石榴皮

阿膠各叁兩

當歸貳兩

甘草

壹兩

右七味以水七升煮取三升分三服

女萎圓

治熱病時氣下赤白痢遂成膿方亦名雲實丸

女萎

藜蘆

各叁分

烏頭

桂心各肆分

黃連

雲實

各貳分

代赭

壹分

右七味為末蜜和丸如梧子大服二九大下痢宿勿食清旦以冷水服之勿飲食至日中過後乃飲食若得藥力明日更服如前亦可長服虛羸晝夜百行膿血亦瘥

聖湯

治下赤白痢大孔蟲生悉皆瘥方

鼠尾草

貳兩

梔子人

生薑

各陸兩

桃皮

壹握

壹握

右五味以水七升煮取二升半分三服一本單用桃皮以酒煮服之

治赤白滯下方

清酒 伍合

成煎猪膏 叁合

右二味緩火煎十沸適寒温頓服之取瘥止

方 酒四升煮錢四十文取二升分三服

方 亂髮雞子大燒末水服不過三服

灸法

泄痢食不消不作肌膚灸脾輸隨年壯

泄注五痢便膿血重下腹痛灸小腸輸百壯

泄痢久下失氣勞冷灸下腰百壯三報穴在八魁正中央

脊骨上灸數多尤佳三宗骨是忌針

泄痢不禁小腹絞痛灸丹田百壯三報穴在臍下一寸針

入五分

金匱要略

九

泄痢不嗜食雖食不消灸長谷五十壯三報穴在俠臍相

去五寸一名循際

泄痢赤白漏灸足太陰五十壯三報

又泄痢百治不瘥灸足陽明下一寸高骨上陷中去大指

歧三寸隨年壯

又屈竹量正當兩膂脊上點訖下量一寸點兩傍各一寸

復下量一寸當脊上合三處一灸二十壯百壯以上一

切痢皆斷亦治濕蠶冷脊上當膂點處不灸

又灸臍中稍稍二三百壯

又灸關元三百壯十日灸并治冷痢腹痛在臍下三寸

赤白下灸窮骨以灸數多為佳

冷痢第八

論一首

方三十一首

論曰舊治痢於貴勝用建脾丸多效今治積久冷痢先以
溫脾湯下訖後以建脾丸補之未有不效者其家難以克
辦亦無可將息也

溫脾湯治積久冷熱赤白痢者方

大黃

桂心各二兩附子

乾薑

人參各二兩

右五味以水七升煮取二升半分三服與前溫脾湯小異

建脾丸治虛勞羸瘦身體重脾胃冷飲食不消雷鳴腹脹

泄痢不止方

鍾乳粉二兩赤石脂

好麴

大麥蘖

當歸

黃連

人參

細辛

龍骨

乾薑

茯苓

石斛

桂心各二兩附子壹兩

蜀椒陸兩

右十五味為末白蜜丸如梧子酒服十九日三加至三

十九丸弱者飲服此方通治男女

集驗無細辛龍骨

增損建脾丸治丈夫虛勞五臟六腑傷敗受冷初作瀉下

久則變五色赤黑如爛腸極臭穢者方

鍾乳粉

赤石脂二兩礬石一兩乾薑

茯苓

桂心

石斛

五味子

澤瀉

遠志

寄生

柏子人

人參

白頭翁

天雄

當歸

石榴皮

牡蠣

龍骨

甘草各二兩

右二十味為末蜜丸酒服二十九日三加至四十九此

二方止痢神驗

建脾丸治大冷洞痢腸滑下赤白如魚腦日夜無節度腹

痛不可堪忍著方

黃連陸兩

乾薑貳兩

當歸

阿膠各

右四味為末以大酢八合烱膠和之併手丸如大豆
候乾大人飲服三十丸小兒百日以還三丸暮年者五
丸餘以意加減日三服

桃花湯治冷白滯痢腹痛方

赤石脂 乾薑 當歸 龍骨 牡蠣各三兩

附子貳兩 白朮壹升 甘草 芍藥各兩 人參壹兩

右十味以水一斗二升煮取九升內諸藥煮取

三升分三服膿者加厚朴三兩嘔者加橘皮三兩

又方 龍骨陸兩 厚朴 當歸各三兩 赤石脂伍兩

右四味以水七升煮取二升半分三服熱加白頭

翁二兩半牡蠣三兩

桃花圓治下冷臍下攪痛方

乾薑 赤石脂各拾兩

右二味蜜丸如豌豆服十九日二服加至二十九

倉米湯治小腹冷氣積聚結成冷痢日夜三四十行方

倉粳米半升淨 薤白壹握去青切細

香豉叁升以水壹斗煎取伍升澄清 羊脂壹升熬

右四味先以羊脂煎薤白令黃并米內豉汁中煎取四

升日空腹溫服一升如行十里久更進一升得快利止

若利不止更服如前利後進粳米豉粥若復作更服一

劑永瘥

附子湯治暴下積日不住及久痢方

附子壹枚 石榴皮壹兩 阿膠貳兩 龍骨 甘草

芍藥 乾薑 黃連各壹兩 黃芩半兩 粳米伍合

右十味呔咀以水八升煮取三升分三服

消卒下痢湯方

黃連伍兩

生薑壹斤

右二味呔咀以水五升煮取一升頓服未止更合服
治久冷痢下純白者由積卧冷處經久病發遂令脾胃俱冷日夜五六十行大小腹痛不可忍凡白痢屬冷赤痢屬熱方

好麴末五升微熬令香温清醇酒令熱和麴末一升空腹頓服之日三服若至食時擣蒜一升令至熟下薑椒末調和如常食之法惟須稠勿加鹽以水和麴二升作餠餅極爛煮之乾漉熱內蒜壅臼中相和一類食之少與餘食至飢時仍準前食麴末酒比至瘥

來少食餘食以此法治不過兩日無有不瘥

治久冷或痢不痢間但腰腹患苦冷方

上等新蜀椒三升用醋宿漬之以麴二升和椒一升緊拌煮作粥空腹頓服之加葱豉鹽任性調和不瘥更作以瘥為限不過二升椒即愈此方不但治冷大治諸虛損冷極有所益久當自知耳

馬蘭子圓治積冷痢下白膿方

馬蘭子壹升熟煮

附子壹兩

乾薑

甘草

各兩

神麴麥蘖

阿膠各伍兩

黃連叁兩

蜀椒

伍合

右九味為末蜜丸如梧子服二十九日一以知為度或作散酒調服方寸匕亦佳

神湯治三十年久痢不止方

厚朴

乾薑

阿膠各貳兩

黃連伍兩

艾葉

石榴皮各叁兩

右六味咬咀以水七升煮取二升分再服

續圓治三十年注痢骨立痿黃腸滑不瘥方一名蠟煎丸

雲實伍合龍骨叁兩附子 女萎各貳兩白朮貳兩

右五味為末以蠟煎烱用丸藥如梧子大服五九日三

不過五六服瘥

散文圓治二十年下痢所食之物皆不消化或青或黃四肢沈重起即眩倒骨肉消盡兩足逆冷腹中熱苦筋轉起

止須扶陰冷無子方

蜀椒叁兩烏梅貳兩熟艾壹升乾薑叁兩赤石脂貳兩

右五味椒薑又下篩梅著一斗米下蒸令飯熟去核內

薑椒末合擣二千杵蜜和丸如梧子服十九日三服不

瘥加至二十九加黃連一升

下痢圓治數十年痢下氣消穀令人能食夏月長將服之

不霍亂方

大麥蘖 法麩各壹升烏梅貳升附子 乾薑

黃連 黃蘖 桂心各叁兩蜀椒半兩吳茱萸肆兩

右十味為末蜜和丸如梧子食後服十九日三加至二

十九三食二服亦可至四十九

續圓治數十年下痢不止消穀下氣補虛羸方

大麥蘖 好麩各壹升附子 當歸 桂心各貳兩

蜀椒壹兩吳茱萸 黃連 烏梅肉 乾薑肆兩

右十味為末蜜丸如梧子食後服一十九日三

續圓

烏梅丸 治久痢諸藥不瘥數十年者消穀下氣補虛方

烏梅肉 黃連 乾薑 吳茱萸各兩

桂心貳兩 當歸參兩 蜀椒壹兩半

右七味為末蜜丸如梧子食後服十九日三

又方 治冷痢久下方

烏梅冬百枚 乾薑 黃連各拾兩 當歸

蜀椒各肆兩 細辛 附子 桂心

人參 黃蘗各陸兩 一方用麥蘗

右十味為末以苦酒漬烏梅一宿去核蒸五升米下別
擣如泥盤中攪令相得蜜和擣二千杵丸如梧子食前
服十九日三服稍增至二十九

七味散 治痢下久不瘥神驗方

黃連捌分 龍骨 赤石脂 厚朴

烏梅肉各貳分 甘草壹分 阿膠叁分

右治下諸漿水服二方寸匕日二小兒一錢匕

治肝圓 治下痢腸滑飲食及服藥俱完出者方

猪肝壹斤 黃連 烏梅肉 阿膠各貳兩 胡粉柒基

右五味為末蜜丸如梧子酒服二十九日二亦可散服
方寸匕

羊脂丸 大治諸久痢不瘥方

羊脂壹基 白蠟兩 黃連末壹升 酢柒合

蜜柒合 烏梅肉貳兩 亂髮或汁洗去垢

右七味合內銅器中湯上煎之攪可丸飲服如梧子大
二十九日二基子大小如方寸匕

少辛脂

阿膠

蠟各貳兩

黍米貳升

右四味合煮作粥一服令盡即瘥

治天下後腹中空竭胃中虛滿不下食方

芍藥

甘草

半夏

厚朴

當歸

桂心

生薑

右七味以水八升煮取三升分三服服二劑最佳

治下痢心胃滿不快腹中雷鳴或嘔吐方

黃連

橘皮

甘草

龍骨

生薑

半夏

人參

大棗

右八味以水一斗先煮一大沸乃內藥煮取三升

分四服并妊娠良

斷痢湯

治胃心下伏水方

金匱要略

十五

半夏

生薑

茯苓

甘草

龍骨

附子

人參

黃連

大棗

右九味以水八升煮取三升分三服

香蘇湯

治下後煩氣暴上方

生蘇

香豉

右二味以水五升煮取二升頓服之

馬心湯

治卒大下痢執滯乾口燥嘔逆引飲方

人參

甘草

黃芩

栝蒌根

橘皮

黃連

半夏

乾薑

右八味以水六升煮取二升分二服

化腹中雷鳴心下痞滿乾嘔不安熱橘皮栝蒌根若寒加附子壹枚渴加栝蒌壹兩嘔加橘皮壹兩滿加當歸壹兩

兩仲景用大藥拾貳枚

治月暴冷忽壯熱壯熱引飲熱湯下斷變通身浮腫
冷下結脈沈細小數方

澤瀉膏兩半 吳茱萸 茯苓 白朮

當歸 桔梗 犀角 青木香

海藻 芍藥 大黃各貳兩

右十一味以水九升煮取三升分三服下後消息
五六日許可與女麴散

女麴散治痢後虛腫水腫者服此藥小便利得止腫亦消

女麴膏升 乾薑 細辛

椒目 附子 桂心各壹兩

右六味治下篩酒服方寸匕不知加至二三匕日三產
後虛滿者大良

治卒暴冷下下部疼悶方

燒磚令熱大酢沃之二重布覆坐上即瘥

疝濕痢第九論一首 方十首

論曰凡疝濕之病皆由暑月多食肥濃油膩取冷眠睡之
所得也禮云君子盛暑之月薄滋味無食肥濃煮餅此時
以不利人也養生者宜深戒之不爾多患疝濕痢耳

凡所患處或着口齟咽喉下部疝與月蝕並不痛令人不
覺其治用五月五日蝦蟇角蒿菽月木寒食泔淀但得一
事單用之燒作灰和臘月猪脂傳之逐手便瘥極須慎口
味耳

凡疝在慎鹽醬酢酥油棗等一切皆忌惟白飯豉首宿苦
旨蕪菁不在禁限

凡吹藥入下部沒中指許深即止
治疳濕下黑醫不能治垂死者方

髑髏灰

熏黃

朱砂

青黛

石鹽

丁香

麝香

礬石

梔子

良芎子

鐵衣

乾薑

故靴底灰

乾蝦蟇

五五明細辛

土瓜根

芥子

蜀椒

葶藶

菖蒲各等分

右二十味治下篩以竹筒吹杏人大著大孔中所有患
疳瘡上悉傳之其丁香麝香別研擣著藥中合之一方
有寒石泔淀救月木楸葉為二十三味若病大者用灌
方如左

麝香

丁香

葶藶

犀角各參二分

右四味治下篩合和以鹽二合蜀椒三合豉二合以水
一升煮取一升去滓內四味散合和分作二分灌大孔
日一灌西一灌之凡父下一月不瘥成疳候大孔必寬
者是以此主之

人物齒根湯

凡下血者是蠱也以此主之

方見蠱毒篇中

治疳濕父下痢赤白百瘵不瘥者方

兔頭骨

蛇頭

疥瘻子

故緋

並灰葶藶子

狸骨

一作狐骨蜣螂

百草

五月五日收者倒掛草

青黛

晚蠶蛾

青礬

丁香

牀中栲木

蠹蟲屎

麝香

苦參

黃蘗

乾薑

角蒿

朱砂

印成鹽

救月木

桂心

鐵衣

芒消

蝦蟇

黃礬

葶藶子各等分

右二十九味治下篩以筒子內下部吹著日一二度
治疳濕不能食身重心熱脚冷百節疼痛方

黃芩

芍藥

苦參

甘草

當歸

蜀椒

甘松一作甘遂

青黛

熏黃

豉各貳兩

東引桃根

葱白各壹斤

鹽善豆合

麝香半分

猪膽貳枚

右十五味以水一斗八升煮取四升分爲二分一

度灌一分湯如人體然後著麝香猪膽一枚即灌灌了

作葱豉粥食之後日更將一分如前灌之七日忌生冷

毒物等但是油膩醬乳醋二十日忌之大佳

治疳蝕人諸處但是赤血痢久不瘥立著即瘥秘方

乾蝦蟇

五月五日收者壹枚作灰末

人屎灰

一作髮灰

金方下十五

十八

金銀土塢

各伍兩 麝香 壹分

銀末小豆許

右五味治下篩傳瘡上即瘥二七日忌如前痢者吹下

治疳痢不止方

苦參

甘草

熏黃各貳兩

豉壹升半

葱白伍莖

蜀椒叁拾粒

右六味以苦參等三物各搗下篩以水五升煮葱白豉

椒取三升以二指撮苦參末等各一撮內汁中冷暖如

人體先飲少許豉汁食一口飯乃側卧徐徐灌之訖多

時卧不出爲佳大急乃出之於淨地當有疳濕蟲如白

馬尾狀頭黑是其效也其重者肛大難瘥當取桃枝綿

裹頭用前件汁適寒温烙之須近脊一上三十度烙之

乃獲神驗

又方 崔氏云晉代之地多二疔蝕人五藏通見脊骨下
血手足煩疼四肢無力夜則煩躁不安而失血色有
或下血乃死治之方

雄黃

青箱

苦參

白石

雌黃

鐵衣

熬蘆

麝香

右八味治下篩以竹管內大孔中酸棗許吹內下部中
日一不過三度小兒以大豆許此方極救死

又方

大麻子

胡麻

右二物並熬令黃以三升瓦瓶泥表上厚一寸待泥乾
內大麻等令滿以四五枚葦管插口中密泥之掘地作
竈倒立竈口底著瓦器承之密填竈孔中地平聚炭瓶
四面著壘壘之日沒放火燒至明日開取適寒溫濯疔
濕者下部中一合尋覺咽中有藥氣者為佳亦不得過

金華子

十九

多多則傷人隔日一灌重者再一灌之從日灌至日夕
極覺體中乏力勿怪也非但治疔濕凡百異同瘡疥癬
並洗塗之

論曰凡日月蝕時忌食飲腹中生蠱蟲及房室生子不具
足必患月蝕瘡亦不得與兒乳日月生後乃不忌令人口
臭齒斷宜露常有血出舌上生瘡者皆由犯此所致耳日
月蝕時須救不救出行逢暴雨其救月杖須收取治蠱之
神藥預備患此者施之救療

治月蝕惡瘡息肉方

硫黃

藺茹

斑蝥

右三味治下篩傳瘡上乾者以豬脂和傳之曰二方

又方

地榆根

薔薇根

吳茱萸根

各等分

心二味治下飾以鹽湯洗瘡傳之日三

小兒痢第十方三十七首

治小兒夏月積冷洗浴過度及乳母亦將人洗浴以冷乳飲兒兒壯熱忽值暴雨涼加之兒下如水胃虛則面青肉冷眼陷乾嘔者宜先與此調其胃氣下即止

乾薑

厚朴

各壹分

當歸

桂心

甘草

各壹分

人參

茯苓

白朮

桔梗

各貳分

右九味以水二升煮取九合六十日至百日兒一服二合半餘皆隨兒大小

溫中大黃湯

治小兒暴冷水穀下或乳冷下青結不消或

冷實吐下乾嘔煩悶及冷滯赤白下者良若已服諸利湯去實胃中虛冷下如水乾嘔眼陷煩擾不宜利者可除大

合方三十一

十

黃若中乳乳母洗浴水氣未消飲兒遂為霍亂者但用大

黃小兒諸霍亂宜利者便用大黃不須利宜溫和者除之

大黃

厚朴

甘草

乾薑

各壹分

人參

茯苓

白朮

當歸

桔梗

各貳分

右十味以水二升半煮取八合凡兒三十日至六十日一服二合七十日至一百日一服二合半三百日已來

服三合

黃藥湯

治小兒夏月傷暴寒寒折大熱熱入胃下赤白滯

如魚腦壯熱頭痛身熱手足煩此太陽之氣外傷寒使熱

氣便入胃服此方良若誤以利藥下之或以溫脾湯下之

則熱劇以利藥下之便數去赤汁如爛肉者或下之不

宜以溫熱藥斷之下既不止倍增壯熱者服之即效

熱得過暴寒折之熱入腹中下血如魚腦有膿之
方

黃蘗 黃連 升麻 白頭翁一作白頭

當歸 牡蠣 石榴皮 黃芩

寄生 甘草各貳分犀角 艾葉各壹分

右十二味以水二升煮取一升二合百日兒至二
百日一服三合二百餘日至暮歲一服三合半

治中結腸圓斷冷滯下赤白青色如魚腦脫肛出積日
痛經時不斷者方

赤石脂伍分 吳茱萸叁分 乾薑 附子

當歸 厚朴 白朮 木蘭皮

白頭翁 黃連 石榴皮 黃蘗各貳分

右十二味為末蜜丸如大豆二歲兒服五丸三歲已上
服十九十歲已上二十九暴下者服少許便瘳積下者
盡一劑更合

治少小執劑不止方

大棗肆枚 黃蘗叁分 黃連伍分 礬石肆分

右五味為末蜜丸如小豆大服五丸日三夜一服不知
稍加至十丸

治少小泄清劑方

藜蘆貳分 黃連叁分 附子壹分

右三味為末蜜丸如麻子大以粥飲服一丸立驗

治少小泄注方

梁米 稻米 黍米各叁升 蠟如蠟丸

右四味以水五升東向竈煮梁米二沸去滓復以汁煮

龍骨湯

治少小壯熱渴引飲下痢方

龍骨

甘草

大黃

赤石脂

括蕒根

石膏

寒水石

桂心各五分

右八味治下篩以酒水各五合煮散二合二沸去滓量

大黃湯

治少小下痢若熱不食傷飽不乳方

大黃

甘草

麥門冬各壹兩

右三味以水二升煮取一升二三歲兒分三四服

生金半黃湯

治小兒積下不止因發癩方

金方下十五

六二

生金參錄

亦得法應作膏今方盡成器者

牛黃參錄

麻黃貳分

黃連

乾薑

人參

甘草各壹分 細辛半分

右八味以水一升六合煮取八合去滓臨服研

黃以煮湯中嫌兒熱者用生薑代乾薑今世之生金但

澤漆家黃湯

治小兒夏月暴寒寒入胃則暴下如水四肢

被寒所折則壯熱經日不除經月許日變通身虛滿腹痛

澤漆

青木香

海藻各壹分

吳茱萸

茯苓

白朮

桔梗

芍藥

當歸各壹分

大黃壹分

右十味以水四升煮取一升半一百日盡一歲

一服二合半一歲已上至二歲一服四合

散治少小父痢淋瀝水穀不調形羸不堪大渴藥者宜此方

枳實二兩治下篩三歲已上飲服方寸匕若兒小以意斟酌日三服

治少小洞注下痢方

蒺藜子二升擣汁温服以瘥為度

又方取木瓜汁飲之**又方**酸石榴燒灰末服半錢匕日三

又方炒倉米末飲服**又方**狗頭骨燒灰水和服之

又方羊骨灰 鹿骨灰

右二味並水和服之隨得一事即用之

又方炒鼓令焦水淋汁服之神驗冷則酒淋服

金方卷十五

共三

又方五月五日百草末吹下部

治小兒赤白滯下方

薤白 壹把 鼓壹升

右二味以水二升煮取一升分二服

又方柏葉 麻子末 各壹升

右二味以水五升煮取二升百日兒每服二合

又方擣石榴汁服之**又方**牛角鯁灰水和服二方寸匕佳

又方燒蜂房灰水和服之

又方亂髮灰 鹿角灰

右二味等分二歲兒以水和服二錢匕日三

治小兒赤白痢方

白蘘荷根汁 生地黃汁 各伍合

右一味微火上煎一沸服之

藥方 治疳積

服生地黄汁一合

又方 五月五日蝦蟇灰飲服半錢匕

治小兒執拗方

煮木瓜葉飲之

治小兒冷痢方

蓼菜搗汁量大小與之一方作芥菜

又方 搗蒜傅兩足下

治小兒暴痢方

小鯽魚一頭燒末服之亦治大人

又方 燒鯉魚骨末服之一方作龍骨

北明

又方 赤小豆末酒和塗足下日二度油和亦得

治小兒蠱毒痢方

藍青汁一升二合分爲四服

治小兒渴痢方

搗冬瓜汁飲之

重刊孫真人備急千金要方卷之十九

小兒疳積



